


TEZAU LITURGIC

10 OCTOMBRIE

ACATISTUL SF. CUVIOS AMBROZIE GRENKOV DE LA OPTINA



MOSCOVA, 2000



Акафист

святому преподобному

Амвросию, Оптиному старцу

и чудотворцу

Кондак 1

Избранный уго́днице Бо́жий и чудотво́рче, вели́кий ста́рче, Амвро́сие, О́птинская похвало́ всея́ Руси́ дивный наста́вниче, прославля́юще твоё в по́двизех изря́дное жити́е, прино́сим многохва́льное пе́ние, ты́ же, я́ко име́яй дерзнове́ние ко Го́споду, моли́ся о все́х нас, ча́дах твои́х, со умиле́нием зову́щих: Ра́дуйся, преподо́бне Амвро́сие, богому́дрый учи́телю ве́ры и благоче́стия.

Икос 1

А́нгельскому жити́ю подража́я, отве́ргл еси́ вся́ кра́сная и скоропреходя́щая тле́ннаго ми́ра сего́ и стопы́ своя́ напра́вил еси́ к духо́вному учи́телю и прозорли́вцу ста́рцу Иларио́ну, да наста́вит тя́ на пу́ть и́стиннаго жи́тельства и

благословѣ́тъ на по́двиги спасѣ́нія. Онъ же,
провѣ́девъ грядѹ́щее твоѣ́ богоугодное житі́е,
посла́тъ въ оби́тель О́птину, и та́мо ты́ обрѣ́лъ еси́
себе́ до́брое приста́нище. Сіе́ уви́девше таковое́
Бо́жїе изволе́ніе о тебѣ́, глаго́лемъ сицевая́:

Ра́дуйся, Бо́гомъ избра́нная о́трасле
благоче́стія роди́телей;

Ра́дуйся, измла́да лѣ́тъ твои́хъ Го́спода
возлюбі́вый.

Ра́дуйся, къ кни́жней му́дрости усѣ́рдїе от
ю́ности имѣ́вый;

Ра́дуйся, святы́хъ отце́въ духоно́сное уче́ніе
позна́вый.

Ра́дуйся, скороги́бнущихъ бла́гъ мі́ра сего́
отверже́ніе;

Ра́дуйся, нетле́нных сокрови́щъ неосла́бное
желáніе.

Ра́дуйся, Бо́жїя произволе́нія о спасѣ́ніи
души́ твоея́ иска́вый;

Ра́дуйся, благослове́ніе на пу́ть мона́шеский
получи́вый.

Ра́дуйся, преподо́бне Амвро́сїе, богому́дрый
учи́телю вѣ́ры и благоче́стія.

Конда́к 2

Ви́дя се́рдца твоего́ благо́е наме́рение,
Христо́с предна́черта́ узкий и терни́стый пу́ть
твоего́ спасе́ния, и, егда́ бы́л еси́ внеза́пу на
сме́ртном одре́ боле́зни, даде́ Госпо́ду обеща́ние:
а́ще исцели́т тя́, всего́ себе́ преда́ти подвиго́м
ино́чества. Воста́в же по ми́лости Бо́жией с одра́
боле́зни, а́бие просла́вил еси́ всеще́драго Бо́га,
Врача́ ду́ш и теле́с, зовя́: Аллилу́иа.

И́кос 2

Ра́зум Боже́ственных писа́ний стяжа́в, в
стра́се Бо́жием помышля́л еси́, ка́ко Госпо́дь
устро́ит гряду́щий пу́ть твоего́ спасе́ния и ка́ко
вступи́ти на стезю́ многотру́днаго и ско́рбнаго
мона́шескаго жи́тельства. Мы́ же, дивя́щеся
твоему́ благо́му наме́рению, воспева́ем ти́:

Ра́дуйся, на Бо́га Промы́слителя́ всю́ наде́жду
возложи́вый;

Ра́дуйся, то́кмо Его́ благоизволе́ния
взыска́вый.

Ра́дуйся, вся́кое испытáние во спасе́ние ду́ши
понести́ гото́вый;

Ра́дуйся, сове́сти своея́ велéнию
после́дова́вый.

Ра́дуйся, увеселе́ния мирска́я
возненави́девый;

Ра́дуйся, бога́тства земна́я не возлюби́вый.

Ра́дуйся, Бо́гу еди́ному порабо́тати всего́ себе́
подви́гнувый;

Ра́дуйся, Тому́ то́чию угоди́ти восхоте́вый.

Ра́дуйся, преподо́бне Амвро́сие, богому́дрый
учи́телю ве́ры и благоче́стия.

Конда́к 3

Си́лою любви́ утвержда́ясь, в ве́ре поревнова́л
еси́ Ева́нгельское жити́е стяжа́ти по о́бразу
преподо́бных отце́в Це́ркве дре́вния. Егда́ же
даде́ ти Госпо́дь разуме́ние сего́ благоугожде́ния,
воспе́л еси́ со умиле́нием: Аллилу́иа.

И́кос 3

Име́я кре́пкую ве́ру во благо́е промы́шление
Бо́жие о спасе́нии челове́ка, прите́кл еси́ к
честно́му о́бразу Пресвяты́я Богоро́дицы
«Тамбо́вския», е́же бы́сть тебе́ благослове́ние
родите́льское, и смире́нно моли́л еси́ Влады́чицу,
да упра́вит пу́ть тво́й. Мы́ же, ви́дяще твоё
неотсту́пное упова́ние на ми́лость Цари́цы
Небе́сна́я, поём ти́: Ра́дуйся, Бо́жия Ма́тере
ве́рное и возлю́бленное ча́до:

Ра́дуйся, Ея́ свяще́ннаго покрóва си́лы та́йное постиже́ние.

Ра́дуйся, благослове́ния роди́тельскаго чрез Ея́ о́браз добронра́вный храни́телю;

Ра́дуйся, Засту́пницы усер́дныя благоговей́ный почита́телю.

Ра́дуйся, многоча́стне в но́щи моли́твы к Не́й слéзно возноси́вый;

Ра́дуйся, небе́сный по́мощи от Нея́ непосты́дно восприе́мый.

Ра́дуйся, та́ко утеше́ние в се́рдце своём обрeты́й сла́достное;

Ра́дуйся, я́ко умиле́ние прия́л еси́ благоти́шное.

Ра́дуйся, преподо́бне Амвро́сие, богому́дрый учи́телю ве́ры и благоче́стия.

Конда́к 4

Бу́рею помышле́ний двíжимый, пришёл еси́ в оби́тель преподо́бнаго Сёргия Ра́донежскаго, да укрепíт твоё се́рдце на по́двиги предстоя́щаго ино́ческаго по́прища всея́ Росси́и чудотво́рец и учи́тель мона́шескаго де́лания, преизлива́ющий от ра́ки своих честных мо́щей то́ки благодáтныя

по́мощи Умили́вся же та́мо се́рдцем взыва́л еси́ с
ра́достью: Аллилу́иа.

И́кос 4

Слы́ша ве́лие жити́е и благоче́стие
богомудрых отце́в и ста́рцев О́птины пу́стыни,
та́йно оста́вил еси́ ми́р и вся́, я́же в нём, и
прише́л еси́ необину́ясь в оби́тель сию́ в
смирёнии ду́ш, во е́же спаст́ся и угоди́ти
Бо́гу. Мы́ же, ви́дяще вя́щшую ре́вность ду́ш
твоея́, прино́сим ти́ хвале́бную пе́снь:

Ра́дуйся, тле́нныя бла́га ми́ра сего́ ни во
что́же вмени́вый;

Ра́дуйся, сла́дость церко́вную позна́вый.

Ра́дуйся, во оби́тель святу́ю всели́выйся;

Ра́дуйся, всего́ себе́ Бо́гу отда́вый.

Ра́дуйся, за́поведи Бо́жия неле́нотно
испо́лнимый;

Ра́дуйся, плоды́ Христо́ва учёния сла́дце
вкуси́вый.

Ра́дуйся, подвиго́в святы́х отце́в ревни́телю;

Ра́дуйся, чистоты́ душе́вныя неусы́пный
храни́телю.

Ра́дуйся, преподо́бне Амвро́сие, богому́дрый
учи́телю ве́ры и благоче́стия.

Конда́к 5

Богозда́нная пу́стынь прия́ тя, я́ко во объ́ятія
о́тча, в ню́же кро́тко всели́лся еси́ и та́мо пе́рвее
поне́сл еси́ труды́ послуша́ния в кѣ́ллии вели́каго
ста́рца богопросвеще́ннаго Льва́, им же
наста́влен бы́л еси́ к духо́вному де́ланию. Уве́дев
же сла́дость отрече́ния во́ли своея́, возопи́л еси́:
Аллилу́иа.

И́кос 5

Ви́дяще твоѐ ино́ческое преуспе́яние,
облеко́ша тя о́тцы пу́стыни в ри́зы схи́мы
вели́кия. И сподо́би тя подвигонача́льник
Христо́с благода́ти а́нгельскаго чи́на
приобщи́тися, сего́ ра́ди вопие́м ти́:

Ра́дуйся, все́м се́рдцем Бо́га возлюби́вый;

Ра́дуйся, все́ю душе́ю Ему́ послужи́вый.

Ра́дуйся, ве́ру чрез мно́гия труды́ непрело́жно
утверди́вый;

Ра́дуйся, наде́ждою на по́мощь свы́ше себе́
вооружи́вый.

Ра́дуйся, любве́ Ева́нгельския сокро́вище;

Ра́дуйся, Ду́ха Свята́го вмести́лище.

Ра́дуйся, подвиго́в мона́шеских во́ине
до́блественный;

Ра́дуйся, равноа́нгельскаго жити́я
подража́телю предивный.

Ра́дуйся, преподо́бне Амвро́сие, богому́дрый
учи́телю ве́ры и благоче́стия.

Конда́к 6

Пропове́дник правосла́вный ве́ры и
и́стиннаго жити́я во Христѣ́ Иису́се яви́лся еси́,
проти́вныя Ева́нгелию и Це́ркви учѣ́ния
отрица́я, и мно́гия от пу́ти заблужде́ния обрати́л
еси́ ко Христу́ Жизнода́вцу, поя́
благодарственно: Аллилу́иа.

И́кос 6

Воссия́л еси́, я́ко свеща́ многосвѣ́тлая, в земли́
Росси́йстей, просвеща́я вся́каго челове́ка
приходя́щаго к тебѣ́, свѣ́том и́стины, лю́дие же,
обременѣ́ннии грехми́ и скорбѣ́ми мно́гими,
обрето́ша в тебѣ́ богоразу́мнаго наста́вника
благоче́стия и до́браго отца́ все́м
немо́щству́ющим, стра́ждущим и уничиже́нным,
воспева́юще такова́я:

Ра́дуйся, свети́льниче правосла́вныя страны́
Росси́йския;

Ра́дуйся, зерца́ло Божество́вныя любве́.

Ра́дуйся, сто́лпе ве́ры апо́стольския;

Ра́дуйся, ка́меню наде́жды жи́зни ве́чныя.

Ра́дуйся, наста́вниче во вся́ких обстоя́ниях
боговдохнове́нный;

Ра́дуйся, пропове́дниче покая́ния
рачи́тельный.

Ра́дуйся, врачу́ неду́гов теле́сных;

Ра́дуйся, целите́лю боле́зней душе́вных.

Ра́дуйся, преподо́бне Амвро́сие, богому́дрый
учите́лю ве́ры и благоче́стия.

Конда́к 7

Хотя́ послѣдовати́ самому́ Христу́, подража́л
еси́ Ему́ всеу́сердно, взѣмъ́ и́го Его́ на себѣ́, и,
научи́всѣя от Него́ крѣ́тости и смире́нию, обре́л
еси́ поко́й души́ своѣ́й, зову́щей при́сно:
Аллилу́иа.

И́кос 7

Но́вая и дѣ́вная звезда́ свѣ́тости яви́ся на
не́бе церко́внемъ, егда́ возше́л еси́ по ле́ствице
духо́вней к соверше́нству анге́лоподобно́му,

простѣрл еси́ лучи́ любве́ своея́ по лицу́ всея́
земли́ русскія и привлѣкл еси́ к себѣ знатныя и
худородная, мудрая́ вѣка сего́ и немудрыя,
вопиющая́ к тебѣ сицевая́:

Радуйся, граде, верху́ горы́ стояй;

Радуйся, свѣти́ло, мракъ невѣдения
прогоняющее.

Радуйся, вся́ немощная́ врачу́й;

Радуйся, от бѣд и прельщѣний вражеских
избавля́й.

Радуйся, печальныхъ утѣшителю;

Радуйся, жаждущихъ духовный напоителю.

Радуйся, хитрословеснаго мудрованія вѣка
сего́ обличителю;

Радуйся, мно́гих заблудшихъ на путь́ истины
исправителю.

Радуйся, преподобне́ Амвро́сие, богомудрый
учителю́ вѣры и благочестія.

Конда́к 8

Странникомъ и пришельцемъ в земнѣмъ міре
предста́л еси́, взыску́ющимъ гра́да небеснаго, и
понёсл еси́ тяготы́ и нѣмо́щи ищущаго у тебѣ́

по́мощи блі́жняго, и та́ко испо́лнил еси́ зако́н Христо́в, поя́ с благода́реніем: Аллилу́иа.

И́кос 8

Ве́сь огне́м Божество́нныя любве́ испо́лненный, крѣ́ст многотру́дный болѣ́зней телѣ́сных пронѣ́сл еси́ чре́з все́ твоѣ́ ино́ческое житі́е, в терпе́нии стяжа́в ду́шу твою́, по сло́ву Ева́нгелия Христо́ва, и все́х на́с научи́л еси́ безро́потному крестоноше́нию, зову́щих ти́:

Ра́дуйся, вождю́ и́щущих спасе́ния;

Ра́дуйся, о́бразе и́стиннаго послуша́ния.

Ра́дуйся, са́м тяжкі́я неду́ги до ко́нца претерпе́вый;

Ра́дуйся, приходя́щия к тебѣ́ в болѣ́знях и печа́лех терпе́нию научи́вый.

Ра́дуйся, па́ствы твоея́ изря́дный душепопечи́телю;

Ра́дуйся, а́лчущих жи́зни ве́чныя пита́телю.

Ра́дуйся, оби́димых покрови́телю;

Ра́дуйся, непоко́рных во́ли Бо́жией вразуми́телю.

Ра́дуйся, преподо́бне Амвро́сие, богому́дрый учи́телю ве́ры и благоче́стия.

Конда́к 9

Все́ естество́ челове́ческое в боле́знях и телёсных нёмощех испыта́л еси́, плоть распя́в со страстьми́ и похотьми́, и моли́твою неуста́нною отгона́л еси́ напа́сти и искуше́ния лука́вых духо́в и те́м вся́ науча́л еси́ противоста́ти ко́знем диа́вольским, взыва́я с ве́рою: Аллилу́иа.

И́кос 9

Витийства́ суемудрых, неведавших си́лы ве́ры правосла́вныя, отмета́л еси́ сло́вом Бо́жиим и чи́стым жити́ем твои́м, и вои́стину возсия́л еси́, я́ко светоза́рный сто́лп благоче́стия и храните́ль святооте́ческаго преда́ния, усер́дно прелага́я дре́вняя писа́ния отце́в в писа́мена́ удобовразуми́тельная. Мы́ же, дивя́щеся трудо́м твои́м, воспева́ем си́це:

Ра́дуйся, ве́ры пра́выя адама́нте;

Ра́дуйся, жити́я по ве́ре кре́посте.

Ра́дуйся, ду́ха благоче́стия насади́телю;

Ра́дуйся, добродётелей христиа́нских се́ятелю.

Ра́дуйся, подвиго́в ста́рчества преуспе́яние;

Ра́дуйся, мно́жества́ и́ноков духо́вное просвеще́ние.

Ра́дуйся, приве́дый тѣх ко спасѣ́нiю;

Ра́дуйся, обрати́вый мно́гия грѣшны́я к
покая́нiю.

Ра́дуйся, преподо́бне Амвро́сие, богому́дрый
учи́телю ве́ры и благоче́стiя.

Конда́к 10

Спасти́ся взыску́ющим Ца́рства Небе́снаго
 вспомо́ществу́я, ве́рный путево́дитель яви́лся
еси́, мирскiя и духо́вныя управлѧя: в ко́нѣц лѣт
свои́х мно́гия труды́ положи́л еси́, оби́тель
Шаморди́нскую убо́гим устроя́я, да сестры́ то́я
обрету́т душе́вный поко́й и спасѣ́ние,
воспева́юще пе́снь хвале́бную: Аллилу́иа.

И́кос 10

Стена́ и прибе́жище бы́л еси́ ча́дом твои́м,
моли́твами неусы́пными от де́монских
наважде́ний охранѧя; на невиди́мую бра́нь с
ду́хи зло́бы их вдохновля́л еси́, го́рдость и
славолю́бие смире́нием упраздня́я, те́мже
ра́дующеся, зове́м ти́:

Ра́дуйся, стрѣ́лы вра́жия угаси́вый;

Ра́дуйся, де́монския полки́ победи́вый.

Ра́дуйся, плѣ́нных от духо́в зло́бы свободи́вый;

Ра́дуйся, из темни́цы страсте́й мно́гия ду́ши
изведы́й.

Ра́дуйся, любóвию и моли́твами заблúдшия к
Бо́гу обрати́вый;

Ра́дуйся, сирóт и вдови́ц до́брый попечи́телю.

Ра́дуйся, води́тельства и́ноков и и́нокинь
богоно́сный зижди́телю;

Ра́дуйся, смиренномúдра и крóтости
доброгласный пропове́днице.

Ра́дуйся, преподо́бне Амвро́сие, богомúдрый
учи́телю ве́ры и благоче́стия.

Конда́к 11

Пе́ние умиле́нное прино́сим ти́, ско́рому
помощнику в ну́ждах и печа́лах все́м, к тебе́ с
ве́рою и любóвию притека́ющим, до конца́ дне́й
свои́х бы́л еси́ чадолюбивый о́тец стра́ждущих и
обремене́нных, ча́ющих утеше́ния ду́ши. Те́мже
нелóжно прославля́ется тобо́ю Бо́г, дивный во
святы́х Свои́х, зову́щих непреста́нно: Аллилу́иа.

И́кос 11

Свети́льника добродéтелей ви́деша в тебе́ вси́
концы́, о́тче наш Амвро́сие, я́ко в терпе́нии и
смирéнии земно́е стра́нствие сконча́л еси́ и
испо́лнил еси́ вся́, я́же запове́да нам Христо́с во

Святѣм учѣнии, и преселился еси́ от земли́ на не́бо, вше́дый в ра́дость Го́спода своего́, я́ко ве́рный ра́б Христо́в. Те́мже ра́дующеся, воспева́ем ти́ такова́я:

Ра́дуйся, усѣрдный слуго́, сотвори́вый во́лю Господи́на своего́;

Ра́дуйся, во́ине Христо́в, суе́ту житѣйскую оста́вивый.

Ра́дуйся, Бо́гу еди́ному послужи́вый;

Ра́дуйся, вся́ за́поведи Бо́жия испо́лнивый.

Ра́дуйся, оби́тели небѣсны́я удосто́ивыйся;

Ра́дуйся, го́рняя сла́вы приобщи́выйся.

Ра́дуйся, насле́днице жи́зни ве́чныя;

Ра́дуйся, уго́днице Бо́жий прехва́льный.

Ра́дуйся, преподо́бне Амвро́сие, богому́дрый учи́телю ве́ры и благоче́стия.

Конда́к 12

Благода́ти Бо́жия сокрови́ще некра́домое унасле́довал еси́ и ти́хое, безмяте́жное пристани́ще на небесе́х обрѣл еси́. Де́йствием же про́мысла Бо́жия во дни́ торже́ствуемаго тысяще́лѣтия Крещѣ́ния Руси́ просла́влен и к

ли́ку святы́х причислен бы́л еси́, ублажа́юще
па́мять твою́ святу́ю, поём вси́: Аллилу́иа.

И́кос 12

Пою́ще твоё всеросси́йское прославлéние,
возно́сим ти́, я́ко благоухáние кади́льное,
смирéнныя нáша моли́твы, не забуди́ ча́д твои́х,
почита́ющих и́мя твоё свято́е и взыва́ющих к
тебе́ в благодарéнии:

Ра́дуйся Амвро́сие, Боже́ственного
безсме́ртia тезоимени́тый;

Ра́дуйся, Це́ркве Правосла́вныя честна́я
похва́ло.

Ра́дуйся, ли́ка святы́х уго́дников
прича́стниче;

Ра́дуйся, со́нма преподо́бных отце́в
сотаи́нниче.

Ра́дуйся, пред престо́лом Бо́га Всевы́шняго
на́ш твёрдый предста́телю;

Ра́дуйся, пред судом Бо́жиим на́ш тёплый
хода́таю.

Ра́дуйся, нас, странству́ющих в юдо́ли
плаче́вней, путево́дителяю;

Ра́дуйся, о все́й землѣ Росси́йстей неусы́пный
моли́твенниче.

Ра́дуйся, преподо́бне Амвро́сие, богому́дрый
учи́телю ве́ры и благоче́стия.

Конда́к 13

О дивный уго́дниче Христо́в и чудотво́рче,
преподо́бне ста́рче наш Амвро́сие, приими́ ны́не
ма́лое моле́ние недосто́йных ча́д твои́х, не
оста́ви нас в ско́рбех и боле́знях, прииди́ и
прости́ ру́ку по́мощи, наста́ви нас на пу́ть
покая́ния и спасе́ния, во е́же изба́виться му́ки
ве́чныя, да тобо́ю при́сно сла́вим Бо́га,
вопию́ще: Аллилу́иа.

Этот конда́к читается трижды, затем и́кос 1 и
конда́к 1.

Моли́тва пе́рвая

О вели́кий ста́рче и уго́дниче Бо́жий,
преподо́бне о́тче наш Амвро́сие, О́птинская
похвало́ и всея́ Руси́ учи́телю благоче́стия!
Сла́вим твоё во Христе́ смире́нное жити́е, имже
Бо́г превознесе́ и́мя твоё, ещё́ на землѣ тебе́
су́ща, наипа́че же увенча́ тя небе́сною че́стию по
отше́ствию твоём в черто́г сла́вы ве́чныя.
Приими́ ны́не моле́ние нас, недосто́йных ча́д
твои́х, чту́щих тя и призыва́ющих и́мя твоё

святѡе, изба́ви на́с твои́м предста́тельствомъ предъ Престо́ломъ Бо́жиимъ отъ всѣ́хъ скор́бныхъ обстоя́ний, душе́вныхъ и теле́сныхъ неду́говъ, злы́хъ напа́стей, тлетво́рныхъ и лука́выхъ искуше́ний, низпосли́ Оте́честву на́шему отъ великодарови́таго Бо́га ми́ръ, ти́шину и благоде́нствие, бу́ди непрело́жный покрови́тель святы́я оби́тели сия́, въ нейже въ преуспе́янии са́м подвижа́лся еси́ и угоди́л еси́ все́ми въ Тро́ице сла́вимому Бо́гу на́шему, Ему́же подоба́етъ вся́кая сла́ва, че́сть и поклонѣ́ние, Отцу́ и Сы́ну и Свято́му Ду́ху, ны́не и прѣ́сно, и во ве́ки веко́в. Ами́нь.

Моли́тва второ́я

О преподо́бне и богоно́сне о́тче на́ш Амвро́сие! Ты́, порабо́тати Го́сподеви жела́я, зде́ всели́лся еси́ и неле́нотно во трудѣ́х, бде́ниях, моли́твахъ и постѣ́хъ подвижа́лся еси́ и бы́л еси́ наста́вникъ мона́шествующимъ, все́м же лю́дямъ учи́тель ре́вностный. Ны́не у́бо, по отше́ствии твоѣ́мъ отъ земны́хъ, Небе́сному Царю́ предстоя́, моли́ бла́гость Его́, е́же ущѣ́дрити ме́сто селѣ́ния твоего́, святу́ю оби́тель сию́, иде́же ду́хом любве́ твоея́ неотсту́пно пребыва́еши, и все́м лю́демъ твои́мъ, съ ве́рою къ ра́це моще́й твои́хъ припада́ющимъ, во благо́я проше́ния ихъ испо́лнити. Испроси́ у́ ми́лостиваго Го́спода

на́шего, да низпо́слет на́м оби́лие бла́г земны́х, па́че же я́же на по́льзу ду́ш на́ших да да́рует на́м, и сконча́ти жити́е си́е привре́менное в покая́нии да сподо́бит, в де́нь же су́дный десна́го предсто́яния и наслажде́ния во Ца́рствии Своём да удосто́ит во ве́ки веко́в. Ами́нь.

Моли́тва тре́тья

О всечестны́й ста́рче пресла́вныя и дивны́я Опти́ны пу́стыни, преподо́бне и богоно́сне о́тче на́ш Амвро́сие! Це́ркве на́ша добро́е украше́ние и благода́тный свети́льниче, небесным свётом все́х озаря́й, кра́сный и духо́вный пло́д Росси́и и всея́ подсо́лнечныя, ду́ши ве́рных оби́льно усажда́й и увесе́ляй! Ны́не с ве́рою и трéпетом припада́ем пред цельбоно́сною ра́кою святы́х мощей твои́х, ихже на утеше́ние и по́мощь стра́ждущим ми́лостивно дарова́л еси́, смире́нно мо́лим тя́ се́рдцем и усты́, о́тче святы́й, я́ко всеросси́йскаго наста́вника и учи́теля благоче́стия, па́стыря и врача́ душе́вных и телесных недуг на́ших: воззри́ на ча́д твои́х, зело́ согреша́ющих в словесе́х и де́лах, и посети́ на́с мно́гою и свято́ю своёю любóвию, ёюже сла́вно преуспе́л еси́ ещё́ во дни́ земны́я, наипа́че по пра́ведней твоёй кончи́не, наста́вляя

в прѣвилахъ святѣхъ и богопросвѣщеннѣхъ отцѣвъ, вразумляя насъ въ заповѣдехъ Христовѣхъ, въ нихже добре поревновалъ еси до послѣдняго часа твоея многотрудныя иноческия жизни; испроси намъ, немощствующимъ душею и бѣдствующимъ въ скорбехъ, благопріятное и спасительное время на покаяніе, истинное исправленіе и обновленіе нашего житія, въ немже мы, грѣшнии, осуемихомся умомъ и сердцемъ, предахомъ себѣ непотребнымъ и лютымъ страстемъ, порокомъ и беззаконіемъ, имже нѣсть числа; прими убо, соблюди и покрый насъ кровомъ твоея многія милости, низпосли намъ благословеніе отъ Господа, да понесемъ благое іго Христово въ долготерпѣніи до конца днѣй нашихъ, чающе будущаго живота и Царствія, идеже нѣсть печаль, ни воздыханіе, но жизнь и радость безконечная, изобильно проистекаемая отъ Единаго, Всесвятаго и Блаженнаго Источника безсмертія въ Троицѣ покланяемаго Бога, Отца и Сына и Святаго Духа, нынѣ и присно, и во вѣки вѣковъ. Аминь.